



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1858

2349. Kurfürst Johann belehnt Christoph, Georg und Caspar von Loben mit
Neuhausen, Kahren und Bresinichen im Gubener Kreise, am 2. September
1497.

Nutzungsbedingungen

[urn:nbn:de:hbz:466:1-56621](https://nbn-resolving.org/urn:nbn:de:hbz:466:1-56621)

2348. Kurfürst Johann belehnt Christoph und Balzar Storkwitz mit Besizungen zu Seedorf, Dauben und Boberßberg im Krossener Kreise, am 1. Juni 1497.

Wir Johannis etc. Bekennen offentlich mit dissem briue vor vns, vnser erben vnd nachkomen vnd sunft vor ydermenniglich, das wir vnsern lieben getrewen Cristoff vnd Balzer Storkwitz, gebrudern, vnd Iren menlichen leibs lehns erben disse nachgeschriben guter, Jerlich zinsz vnd rente, Nämlich Im dorff Szedorff virczehen hufen, ein smiede vnd zwene gerten mit obersten vnd nydersten gerichtten, Item Im dorff Dawbe newenthalf hufe vnd einen garten, auch mit obersten vnd nydersten gerichtten, Item zwe garten vor Boberßberg by sant barbaren kirchen vnd ein wisze vff dem luge, Inmassen dies Ir vater Ott Storkwitz seliger von vns vnd vnser herrschafft zu lehn gehabt vnd biszher besessen, zu rechtem manlehn vnd gesampter hant gnediglich gelihen haben vnd leihen Inen solch obgenant guter, Jerlich zinsz vnd Rente mit Iren wischen, puschen, vischereien, Graben, wellen, wassern vnd andern Iren gerechtickeiten, szo darzu gehören, wie obftet in crafft vnd macht dits briues, doch also, das sy solch obgenant guter zu rechtem manlehn vnd gesampter hant von vns vnd vnsern erben Marggrauen zu Brandenburg haben, besiczen vnd gebrauchen, vns auch darvon halten, thun vnd dinen sollen, als folcher lehn vnd gesampter hant recht vnd gewonheit ist. Wir leihen In hiran alles, was wir In von rechts wegen daran verleihen sollen vnd mogen, doch vns, vnsern erben vnd nachkomen vnd sunft meniglich an seinen rechten on schaden. Czu urkunt etc. Actum am achten tag Corporis cristi, Im XCVIIten.

Nach dem Churm. Lehnscorialbuche XXIX, 48.

2349. Kurfürst Johann belehnt Christoph, Georg und Caspar von Loben mit Neuhausen, Kahren und Bresfinichen im Gubener Kreise, am 2. September 1497.

Wir Johannis etc. Bekennen offentlich mit dissem briue vor vns, vnser erben vnd nachkomenn vnd sunft vor ydermenniglich, das wir vnsern lieben getrewen Cristoff, Jorgen, vnd Caspar, gebrudern, genant die von loben zu Newenhufz, vnd Iren rechten menlichen leibs lehns erben disse nachgeschriben guter vnd dorffer, Nämlich Newenhufen, karon vnd das dorff Bresfinichen mit Mollen, Wasseren, grefingen, zinszen, Renten vnd allen Iren nutzungen, zugehorungen vnd gerechtickeiten vnd sunft alle ander guter, wie dieselben Ir vater Georg von loben seliger von vns vnd vnser herrschafft zu lehn gehabt, besessen, gebraucht vnd an sie geerbet hat zu rechtem manlehen vnd gesampter hant gnediglich gelihen haben, vnd leihen Inen sulch obgenannt dorffer vnd guter, wie obftet, zu rechtem manlehn vnd gesampter hant In

craft vnd macht dits briues etc. — Actum Collen an der Sprew, Sonabents nach decollationis Johannis, Im XCVIIten.

Nach dem Churm. Lehnscopialbuche XXIX, 48.

2350. Kurfürst Johann belehnt Heinrich von Unruh's Söhne mit ihren väterlichen Lehen im Weichbilde Züllichau, am 27. October 1497.

Wir Johannis etc. Bekennen offentlich mit dissem briue vor vns, vnser erben vnd nachkomen vnd sunst vor ydermeniglich, das wir nach versterben heinrich vnruhen seligen seinen nachgelassen Sonen Jorgen vnruhen, als dem Eldesten, vnd seinen Brudern heinrichen, Symon vnd Jacob zu getrawen handen vorzutragen disse hirnachgeschriben guter vnd lehn, In vnrem Czulchischen Weichbild gelegen, zu rechtem Manlehen vnd gesampter hant gnediglich gelihen haben, Nemlich ein vorwerck mit vir gebawren, zwe wanen zu klempezig vnd zwe zu Reckow, mit sampt zweien gertneren vnd eine mollen, die do ligt zu klempezig by dem vorwerck mit einer freien drift vnd kirchlehen, mit puschen, wiszen, zinszen vnd mit aller gerechtikeit, In massen Ir vater seliger solchs alles besessen, gebrucht vnd an sy geerbt hat. Wir leihen Inen solch guter zu rechtem manlehn vnd gesampter hant, In craft vnd macht dits briues, Also das sy vnd Ir menlich leibs lehns erben etc. — Czu vrkunt etc. Actum am abent Symonis vnd Jude, Im XCVIIten.

Nach dem Churm. Lehnscopialbuche XXIX, 25.

2351. Kurfürst Johann verschreibt denen von Zabeltitz die gesammte Hand, c. 1497.

Wir Johannis, vonn gotts gnadenn Marggraue zu Brandenburg, kurfürst etc., Bekennen offentlich mit disem briue fur vns, vnser erbenn vnd nachkommenn Marggrauen zu Brandenburg vnd sunst vor allermeniglich, das wir angesehen vnd erkannt haben getrew vnd gehorsame dinft, so vnns vnser Rete vnd lieben getrewen hanns vnd Cristoff vonn Zabeldtiz, gebruder, oftmals williglichen getan vnd hinfurder mehr gern thun wollen vnd sollen; darumb vnd auch vonn sundern gnaden wegen haben wir Inen vnd Iren vettern Cristoffel vonn Zabeltitz zu Sergin, Jobst vonn zabeldiz seligenn Nachgelassenn Son, vnd Iren menlichen leibs lehenns erben alle vnd igliche guter, so sy vonn vnns vnd vnser herschaft, der Marggrauenchaft zu Brandenburg, zu lehen vnd bissher entpfangen haben, zu rechtem manlehen vnd gesampter hanndt gnediglichenn gelihen haben, vnd wir